

## MERKATARITZARI DIRU-LAGUNTZAK EMATEKO OINARRI ARAUTZAILEAK

<b>Diru-laguntza ildoa</b>	MERKATARITZARAKO DIRU-LAGUNTZAK
<b>Aurrekontu partida</b>	236221177101
<b>Partidaren deskribapena</b>	MERKATARITZARI LAGUNTZA EMATEKO KAPITAL T.
<b>Zenbatekoa</b>	30.000,00
<b>Diru-laguntza emateko erregimena</b>	ZUZENEAN EMATEA

### 1.- XEDEA

Oinarri hauen xedea da Basauriko Udalak, udalerriko xehekako merkataritza berriztatzeko eta haren lehiakortasuna hobetzeko helburuarekin emandako diru-laguntza ekonomikoak zuzenean emateko deialdia erregulatzea.

### 2.- APLIKAZIO-EREMUA

Oinarri hauetan araututako diru-laguntzak honako hauek finantzatzeko izango dira: instalazioetan egindako inbertsioen gastuak, merkataritzako enpresak ekipatzea eta berriztatzea eta enpresa horien irudia, lehiakortasuna eta kalitatea hobetzeko egindako inbertsioak.

### 3.- ONURADUNAK

1.- Oinarri hauetan jasotako diru-laguntzen onuradunak izango dira 2013ko uztailaren 1etik aurrera haien merkataritza-establezimenduak aldatu edo berriztatzeko dituzten pertsona fisiko edo juridikoak.

- Enpresa txikia izatea. Zentzu honetan, eta Europako Batzordearen 2003/361/CE Gomendioari jarraituta, enpresa txikiak izango dira egoitza soziala Basaurin duten enpresak edo, salbuespenez, egoitza soziala beste udalerrri batzuetan izan baina enpresa garatzeko proiektuan kokapena Basaurin izatea aurreikusten dutenak, gehienez ere 50 langile dituztenak eta urtean 10 milioi eurotik beherako negozio-bolumena edo balantze orokorra dutenak. Enpresaren datuak zehazteko aintzat hartuko da ia enpresa autonomoa den ala, Gomendioaren irizpideen arabera, menpeko enpresa edo enpresa elkartua den. Halakoetan, datuak zehazteko kalkulua 2003/361/CE Gomendioaren 6. artikulua xedatutakoaren arabera egingo da.

- Jarduera profesionalen 64., 65., 66., 67. eta 68. ataletan jasotako jarduera izatea, 646., 652.1. eta 655. salbu. Sailkapen horretan jasotakoez gain, jarduera horien 97. ataletan jasotakoak ere onuradunak izan daitezke.

- Egoitza soziala Basauriko udalerrian izatea edo, salbuespenez, egoitza soziala beste udalerrri batzuetan izan baina enpresa garatzeko proiektuan kokapena Basaurin izatea aurreikustea.

- Herri Administrazio ezberdinekin zorretan ez egotea, hau da, haiekiko dituzten zerga-betebeharrak beteta izatea, baita Gizarte Segurantzarekikoak ere. Merkataritza Departamenduak egiaztatuko du, ofizioz, Basauriko Udalarekiko enpresen zerga-egoera zein den.

- Enpresa eratuta egotea eta merkataritza-jarduera bat izatea, bi urteko gutxieneko antzinatasunarekin. Hasiera-data izango da Ekonomi Jardueren gaineko Zergan alta eman zeneko eguna.

2.- Merkataritza-jardueraren titulartasuna aldatzen bada jarduera eskualdatu delako, haren forma juridikoa aldatu delako edota jarduera lehenagotik zegoen enpresa batengandik bereizi delako, bi urteetako epea ez da berriro zenbatzen hasiko: aldaketa gertatu baino lehen hasitako zenbaketari eutsiko zaio.

#### **4.- KANPOAN UTZITAKOAK:**

1.- Salbuespeneko kasuetan salbu, ezin izango dute Diru-Laguntzen Plan honetan parte hartu beste erakunde batzuen (Bizkaiko Foru Aldundia edo Eusko Jaurlaritza) diru-laguntza programetan parte hartzen ari direnak.

Edozein kasutan, enpresa-jarduerari dagozkien talde edo atal hauek kanpoan geratuko dira:

646. epigrafea: "tabako-lanen eta erretzaileentzako gauzen xehekako merkataritza".

652.1 azpiepigrafea: Farmaziak: "botiken, osasun-produktuen eta norbere higienarako produktuen xehekako merkataritza".

655. azpiepigrafea: "erregaien eta lubrifikatzaileen xehekako merkataritza".

2.- Era berean, ulertuko da hortik kanpo daudela Erakunde eta Sozietate Publikoak, Administrazioen menpeko erakundeak eta elkarte edo taldeak, Interes Ekonomikoko Erakundeak eta Aldi Baterako Enpresa Elkarteak salbu.

#### **5.- DIRU-LAGUNTZA JASO DEZAKETEN KONTZEPTUAK**

1.- Diru-laguntzak 2013ko uztailaren 1etik aurrera izandako inbertsio-gastuetarako izango dira: egindako instalazioetarako, ekipamendurako eta berriztatzeetarako, bai eta irudia, lehiakortasuna eta enpresen kalitatea hobetzera bideratutako inbertsioetarako ere.

2.- Diru-laguntza jaso dezaketen kontzeptuak dira oinarri hauetan jasotako kontzeptu batzuei banaka-banaka atxikita egoteaz gain, garapen-proiektu bakoitzeko aholkularitza-prozesuan gomendatutako edo proposatutako jarduerekin bat datozenak, hau da, merkatuaren enpresa-garapen prozesuaren barruko jarduera-estrategia zehatz

bati dagozkion gastuak (merkatu berrietan sartzea, berrikuntzak produktuan/prozesuan, IKTetara egokitzea, eta abar).

3.- Zehazkiago, diru-laguntza jaso dezaketen gastutzat hartuko dira:

- Merkataritzako lokalen barrualdea eta kanpoaldea moldatzeko obrak, egokitzeari, merkataritzako azaleraren banaketari edota lokalaren irudia hobetzeari dagozkionak. Horrelakoetan, obra edo instalazio lizentzian ageri diren zenbatekoak baino ez dira aintzat hartuko.

- Mugikortasun murrizta duten pertsoneri sarbidea errazteko helburuarekin, oztopo arkitektonikoak kentzeko egindako berritze lanak. Honi dagokionez, obra edo instalazio lizentzian ageri diren zenbatekoak baino ez dira aintzat hartuko.

- Establezimenduan segurtasun eta irisgarritasun neurriak ezartzeari dagozkionak.

- Makineria elektronikoa edo mekanikoa.

- Merkataritzako altzariak eta ekipamendua erostea.

- Ekipo informatikoak eta softwarea.

- Aholkularitza taldeak kontratatzea merkataritzako kalitate-arauak ezartzeko edota arau horiek egiaztatzeko.

- Argizatzaera, erakusleiho-apainketarako teknika berritzaileak ezartzera edota salmenta-puntua diseinatzaera eta girotzaera bideratutako baliabideak optimizatzea.

4.- Balio Erantsiaren gaineko Zerga ez da diru-laguntza jaso dezakeen kontzeptutzat hartuko, ez bada enpresari gastua eragiten diola; hala balitz, hori egiaztatzen duen Foru Ogasunaren dokumentazioa aurkeztu beharko da. Ondoko hauek eskuratzeko ere ez da diru-laguntzarik emango: lokalak, ibilgailuak, salgaiak, merkataritza-jardueraren berezko elementu suntsikorrak (poltsak, eta abar) edota enpresaren jardura bera aurrera eramateko ekoizpen zuzeneko ekipoak (okindegietako labeak, esaterako).

## **6.- ESKABIDEAK AURKEZTEA**

Eskabideak egiteko dagokion eskabide-orria aurkeztuko da Basauriko Udaleko Herritarren Informazio eta Arretarako Bulegoan, edota Herri-Administrazioen Araubide Juridikoaren eta Administrazio Prozedura Erkidearen 30/92 Legearen 38. artikulua baimendutako edozein bide erabilita. Eskabidea aurkezterakoan, interesdunek Oinarrien edukia onartzen dutela ulertuko da. Aurtengoan, 2013an, merkataritza-establezimendu bakoitzak diru-laguntza jasotzeko eskaera bakarra aurkeztu ahal izango du.

## **7.- ESKABIDEAK AURKEZTEKO EPEA**

Eskabideak aurkezteko epea hasiko da deialdi hau Bizkaiko Aldizkari Ofizialean argitaratzen den egunaren biharamunean, eta 2013ko abenduaren 31n amaituko da.

## **8.- AURKEZTU BEHARREKO DOKUMENTAZIOA**

Establezimendu bakoitzeko eskabide bakarra baino ez da onartuko. Eskabideei honako dokumentazio hau erantsiko zaie:

- a) Egindako inbertsioen, berritzeen edo erosketen memoria txiki bat.
- b) Enpresa txikiak definitzen dituzten ezaugarriak betetzen direla jasotzen duen zinpeko aitorpena, Oinarri hauen 3. artikuluan jasotzen den bezala. Honi dagokionez, Oinarrietako II. Eranskinean jasotako dokumentua beteko da.
- c) Gizarte Segurantzako Diruzaintzak egindako egiaztagiriaren jatorrizkoa, Gizarte Segurantzako Erregimen Orokorretik eta/edo Langile Autonomoen Erregimen Berezitik ondorioztatutako kuoten ordainketekin egunean egotea egiaztatzen duena.
- d) Enpresak zerga-obligazioak dituen Administrazio Publiko guztiek egindako egiaztagiriaren jatorrizkoak, enpresa zerga-betekizun horiekin egunean dagoela egiaztatzen dutenak.
- e) Sozietateen kasuan, eskabidea egiten duen pertsona sozietatearen ordezkari gisa ari dela egiaztatzen duen dokumentuaren fotokopia, sozietatearen IFZ eta pertsona fisikoaren NANA edota lan-baimena.
- f) Hirugarrenaren fitxa, eskabidea egiten duen denda edo enpresaren banku-datuak jasotzen dituena. Fitxak enpresaren kontua dagoen finantza-erakundearen zigilua eduki beharko du.
- g) Enpresak, Oinarri hauetan diruz lagundu daitezkeen kontzeptu bezala jasotakoak kostuak ordaintzeko egindako edo egin asmo dituen finantziario-eskarietarako buruzko aitorpena. Aitorpen hori III. Eranskineko eredia erabilita egingo da.
- h) Diruz lagundu daitezkeen eta benetan ordainduak izan diren gastuak agertzen dituzten fakturen eta ordainketa-agiriaren jatorrizkoa eta kopia.

2.- Eskatutako dokumentazio guztia aurkezten ez bada, Basauriko Udalak dagokion enpresari edo dendari eskatuko dio ez-egiteak zuzentzeko; aurkeztu gabeko dokumentazioa ez aurkezteak eskaera artxibatzea ekar dezake. Basauriko Udalak, era berean, enpresa eskatzaileak diru-laguntzen plan honetan parte hartu ahal izateko eskatutako baldintzak betetzen dituela egiaztatzeko beharrezko jotzen duen dokumentazio osagarria eskatu ahal izango du.

## **9.- DIRU-LAGUNTZEN ZENBATEKOA**

Basauriko Udalak gastuen edota inbertsioen % 50 finantzatuko du, eskaerako 1.000,00 euroko mugarekin. Itzuli behar ez diren diru-laguntzen taldean sailkatuak daude hauek.

## **10.- ENPRESA ONURADUNEN BETEBEHARRAK**

Diru-laguntza hauek jasotzen dituzten pertsona fisiko edo juridikoek honako betebeharrak izango dituzte:

a) Diru-laguntzak erabiltzea haien xede diren kontzeptu eta zenbatekoetarako, bai eta adierazitako epeetan erabiltzea.

b) Basauriko Udalak egin ditzakeen egiaztatze-jarduerak eta dagozkion finantza-kontrol jarduerak onartzea.

c) Basauriko Udalarari jakinaraztea xede bera duten diru-laguntzak edo bestelako laguntzak jaso direla, edota diru-laguntza hau emateko aintzat hartuak izan diren beste edozein inguruabar objektibo zein subjektibotan egondako aldaketak.

d) Diru-laguntza jaso duen establezimenduan **gutxienez urtebetez** jardutea laguntza hura eman zen datatik aurrera. Establezimendua adierazitako epea baino lehenago itxiko balitz, enpresa onuradunak Udalarari jakinarazi eta emandako diru-laguntzaren zati proportzionala itzuli beharko dio, aktibitatea eten denetik urtebetea amaitu arte doan zatia, alegia.

## **11.- AURREKONTU-IZENDAPENA**

Basauriko Udalak, 2013ko ekitaldian zehar, 30.000 euro bideratuko ditu deialdi honetarako diru-laguntzetarako, honako partida honen kontura: 236221177101. T, Merkataritzari laguntzeko kapitala.

## **12.- DIRU-LAGUNTZAK ORDAINTZEA**

Onuradunak, izandako gastuak fakturen eta horien ordainketa-egiaztagirien bidez zurituko ditu. 600 €-tik gorako fakturen ordainketak banku-agiri bidez egiaztatuko dira, bai transferentzia-egiaztagiri bidez, bai helbideratze-egiaztagiri bidez, bai beste edozeinen bidez.

Aurrekontu-partidan jasotako izendapena agortzeak ez du 2013an zehar eskatutako diru-laguntzak ukatzea ekarriko. 2013an zehar aurkeztu eta aldeko ebazpena jaso eta gero, kreditua agortu izanagatik dagozkien diru-laguntzak jaso ez dituzten eskaerak, hurrengo ekitaldiko aurrekontu-kredituari egotziko zaizkio, kasuan-kasuan hala ezarriko balitz.

## **13.- ARAUDI APLIKAGARRIA**

Prozedura arautuko dute onartutako Oinarri Arautzaileek beraiek, Diru-laguntzei buruzko azaroaren 17ko 38/2003 Lege Orokorrak eta hura garatzen duen Erregelamenduak, eta udal diru-laguntzak emateko Ordenantzak.

#### **14.- ONURADUNEI BURUZKO INFORMAZIOAREN KONFIDENTZIALTASUNA**

Basauriko Udalak bere gain hartzen du diru-laguntza hauen onuradunei buruzko informazioa programaren eremutik kanpoko xedeetarako erabilia izango ez dela bermatzeko konpromisoa.

## **I. ERANSKINA**

### **MERKATARITZA SUSPERTZEKO LAGUNTZAK**

**ESKATZAILEA:**

**NANa:**

**TELEFONO ZK.:**

### **AURKEZTUTAKO DOKUMENTAZIOA:**

Memoria deskribatzailea.

NANaren fotokopia.

Sozietatearen IFZ eta eskaera egiten duen pertsonak duen ordezkartza egiaztatzen duen agiria.

Basauriko Udalak egindako hirugarrenaren fitxa, banku-datuak jasotzen dituen.

Enpresa txikiak definitzen dituzten ezaugarriak betetzen direla jasotzen duen zinpeko aitortpena.

Gizarte Segurantzako Diruzaintza Orokorrak egindako egiaztagirien jatorrizkoa, Gizarte Segurantzako Erregimen Orokoretik edota Langile Autonomoen Erregimen Berezitik ondorioztatutako kuoten ordainketekin egunean egotea egiaztatzen duena.

Enpresak zerga-obligazioak dituen Administrazio Publiko guztiek egindako egiaztagirien jatorrizkoak, enpresa zerga-betekizun horiekin egunean dagoela egiaztatzen dutenak.

## II. ERANSKINA

### ENPRESA TXIKIAREN BALDINTZEI BURUZKO ZINPEKO AITORPENA

<b>ENPRESA</b>	
<b>ENPRESAREN IZENA</b>	
<b>IFZ</b>	
<b>ORDEZKARIA ABIZENAK, IZENA</b>	
<b>NANa</b>	

Enpresa txikia izatea. Zentzu horretan, Europako Batzordeko 2003/361/CE Gomendioari jarraituta, enpresa txikiak izango dira hurrengo baldintza hauek betetzen dituztenak:

- Gehienez ere 50 langile izatea.
- Urtean 10 milioi eurotik beherako negozio-bolumena edo balantze orokorra izatea.

Enpresaren datuak zehazteko aintzat hartu da ia enpresa autonomoa den ala, Gomendioaren irizpideen arabera, menpeko enpresa edo enpresa elkartua den. Datuak zehazteko kalkulua 2003/361/CE Gomendioaren 6. artikulua xedatutakoaren arabera egin da.

Adierazten du, halaber, Basauriko Udalak hala eskatuko balu, haren esku jarriko lukeela aurreko hori egiaztatzeko dokumentazioa.

Basaurin,.... (e)ko .....ren .....(e)an

Sin.:

## **I. ERANSKINA**

### **MERKATARITZA SUSPERTZEKO LAGUNTZAK**

**ESKATZAILEA:**

**NANa:**

**TELEFONO ZK.:**

### **AURKEZTUTAKO DOKUMENTAZIOA:**

Memoria deskribatzailea.

NANaren fotokopia.

Sozietatearen IFZ eta eskaera egiten duen pertsonak duen ordezkari-tza egiaztatzen duen agiria.

Basauriko Udalak egindako hirugarrenaren fitxa, banku-datuak jasotzen dituen.

Enpresa txikiak definitzen dituzten ezaugarriak betetzen direla jasotzen duen zinpeko aitortpena.

Gizarte Segurantzako Diruzaintza Orokorrak egindako egiaztagirien jatorrizkoa, Gizarte Segurantzako Erregimen Orokoretik edota Langile Autonomoen Erregimen Berezitik ondorioztatutako kuoten ordainketekin egunean egotea egiaztatzen duena.

Enpresak zerga-obligazioak dituen Administrazio Publiko guztiek egindako egiaztagirien jatorrizkoak, enpresa zerga-betekizun horiekin egunean dagoela egiaztatzen dutenak.

## II. ERANSKINA

### ENPRESA TXIKIAREN BALDINTZEI BURUZKO ZINPEKO AITORPENA

<b>ENPRESA</b>	
<b>ENPRESAREN IZENA</b>	
<b>IFZ</b>	
<b>ORDEZKARIA ABIZENAK, IZENA</b>	
<b>NANa</b>	

Enpresa txikia izatea. Zentzu horretan, Europako Batzordeko 2003/361/CE Gomendioari jarraituta, enpresa txikiak izango dira hurrengo baldintza hauek betetzen dituztenak:

- Gehienez ere 50 langile izatea.
- Urtean 10 milioi eurotik beherako negozio-bolumena edo balantze orokorra izatea.

Enpresaren datuak zehazteko aintzat hartu da ia enpresa autonomoa den ala, Gomendioaren irizpideen arabera, menpeko enpresa edo enpresa elkartua den. Datuak zehazteko kalkulua 2003/361/CE Gomendioaren 6. artikulua xedatutakoaren arabera egin da.

Adierazten du, halaber, Basauriko Udalak hala eskatuko balu, haren esku jarriko lukeela aurreko hori egiaztatze dokumentazioa.

Basaurin,... (e)ko .....ren .....(e)an

Sin.:

**III. ERANSKINA**  
**BESTE DIRU-LAGUNTZA ESKARIEI BURUZKO AITORPENA**

<b>ENPRESA</b>	
<b>ENPRESAREN IZENA</b>	
<b>IFZ</b>	
<b>ORDEZKARIA ABIZENAK, IZENA</b>	
<b>NANa</b>	

**ZERA AITORTZEN DU:**

Ez duela eskatu, ez diotela eman eta ez duela aurreikusi eskaera honen xede den proiektuari lotutako inolako diru-laguntzarik eskatzea inongo administrazioari edo erakunde publiko edo pribaturi, nazionala edo nazioarteko izan.

Administrazioari edo erakunde publiko edo pribatuei, nazionalak edo nazioartekoak izan, eskaera honen xede den proiektuari lotutako diru-laguntzaren bat eskatu diela, halakorik lortu duela edo halakoak eskatzea aurreikusi duela.

<b>ERAKUNDEA</b>	<b>PROGRAMA</b>	<b>ESKATUTAKO LAGUNTZA</b>		<b>EMANDAKO LAGUNTZA</b>	
		<b>DATA</b>	<b>ZENBATEKOA</b>	<b>DATA</b>	<b>ZENBATEKOA</b>

**HONAKO KONPROMISO HAU HARTZEN DU:**

Basauriko Udalari idatziz jakinaraziko diola, dagozkion jakinarazpenak jaso eta 15 eguneko gehienezko epean, eskatutako edo jasotako diru-laguntza publiko, pribatu, nazional edo nazioartekoei buruzko edozein aldaketa, eskaera honen proiektuarekin edo haren zati batekin zerikusia duena. Era berean, konpromisoa hartzen du laguntzaren bat eskatu duen erakunde publiko orori jakinarazteko.

Basauri,  
Enpresaren sinadura eta zigilua